

1601 pus conditum fuerat, peristromate cooperirent; ejus anniversario die lugubria solemnia pro defunctis minime celebrarentur; verum, pullo amictu in album mutato, statim Confessorum diebus fieri solita missarum solemnia de more peragerentur: uti Caroli cognatorum, magistratuum, totiusque confluentis urbis interventu effectum est. Ejus rei uberrimas Senatus Mediolanensis Patribus literas misit, Carolique Borromæi, Cardinalis, in Rempublicam benevolentiam ac studium commemoravit.

M. DC. II.

1602 **J**Am triennium ille, quem Sebastianum Lusitaniæ Regem ementitum fuisse diximus, carcere detinebatur: nulla enim re magis audacia ac præfracta viri frons coerceri posse videbatur, cum volubilitate gentis in Lusitania ii assurgerent tumultus, ut novandarum rerum cupidi, duces nacti, ingentes motus res eruptura fuisset. Lusitani etenim extorres, Galliarum Regem, Anglam, Batavosque sollicitabant: ab Henrico duo bellatorum millia, Principum vel procerum Galliæ auspiciis decertaturi, postulabant, armaque occulte per Lusitaniam dispergerent, efflagitabant; primo quoque strepitu incolas insurrecturos jactitabant: ab Elisabetha, ac Batavis pecuniam annonamque sibi affatim suffectura pollicebantur; quia Principes Philippo infensi occasionem omnem, qua res Hispanica turbari posset, arripere non verebantur. Verum Henricus, ut tandem id mendacium discuteretur, per Fraxineum legatum a Patribus petit: de nexu sententiam ferant, neque diutius errare Lusitanos finant. Re ad Senatum delata, Senatus consulto intra octiduum Venetis omnibus ditionibus abire jussus; si contra faciat, perpetuo triremibus addiceretur. Ille, derafo capite, mutato, ne agnosceretur, amictu, in Hetrusiam divertit: poscenti Philippo a Ferdinando Magno Duce traditus, Neapolim perductus, ad transtra ablegatur. Ibi factum ferunt, se ex Siciliæ civitate Taberna ortum, Marci Tullai Casiozonii nomen sortitum, atque inde in Hispaniam trans-

Fraxineus orator a Senatu petit, ut de Sebastiano Lusitano sententiam proferat. Sebastianus Lusitanos a Venetis ditionibus ejus, ab Hetruria Duce Hispanis traditur.